



## SIARAN MEDIA

### JABATAN METEOROLOGI MALAYSIA KEMENTERIAN ALAM SEKITAR

25 MAC 2020

---

#### PERMULAAN FASA PERALIHAN MONSUN

---

Fasa peralihan monsun dijangka bermula pada 27 Mac 2020 dan berterusan sehingga pertengahan Mei 2020. Permulaan fasa ini menandakan berakhirnya Monsun Timur Laut yang telah bermula sejak 24 Oktober 2019. Dalam tempoh ini, kawasan di rantau negara akan menerima tiupan angin lemah dari pelbagai hala yang kondusif untuk pembentukan awan ribut petir.

Semasa fasa peralihan monsun, keadaan cuaca yang lazim berlaku adalah ribut petir dan hujan lebat berserta angin kencang dalam jangka masa yang singkat terutamanya pada waktu petang dan awal malam di kebanyakan kawasan negeri-negeri di pantai barat dan pedalaman Semenanjung, barat Sabah serta kawasan barat dan tengah Sarawak. Keadaan cuaca ini berpotensi menyebabkan banjir kilat serta kerosakan struktur yang tidak kukuh.

Orang ramai dinasihatkan untuk lebih berwaspada ketika tempoh ini dan sentiasa peka dengan ramalan dan amaran cuaca yang dikeluarkan oleh Jabatan Meteorologi Malaysia melalui laman web, aplikasi myCuaca dan media sosial.

Sumber:  
Ketua Pengarah  
Jabatan Meteorologi Malaysia (MET Malaysia)  
Kementerian Alam Sekitar  
25 Mac 2020



[www.met.gov.my](http://www.met.gov.my)



myCuaca



[metmalaysia](https://www.instagram.com/metmalaysia)

RakanMET [rakanmet.met.gov.my](http://rakanmet.met.gov.my)



[mygempa.met.gov.my](http://mygempa.met.gov.my)



[@malaysiamet](https://www.facebook.com/malaysiamet)



[@malaysianmet](https://twitter.com/malaysianmet)



1-300-22-1638